

page：

K006

條目：

學世尊法

內容：

『若有賊來，以利刀鋸，節節解身。……當念因此令我心不變易，不惡語言，當為彼節節解我身者起哀愍心，為彼人故，心與慈俱，……』中七·2

出處：

※參見《中阿含經》卷 7〈舍梨子相應品 3〉（三〇）《象跡喻經》(CBETA, T01, no. 26, p. 465, a6-15)：

【按：亦參 M. 28. Mahā-Hatthipadopama Sutta.】

諸賢！世尊亦如是說：『若有賊來，以利刀鋸，節節解身。若汝為賊以利刀鋸節節解身時，或心變易，或惡語言者，汝則衰退。汝當作是念：「若有賊來，以利刀鋸節節解我身者，因此令我心不變易，不惡語言，當為彼節節解我身者起哀愍心，為彼人故，心與慈俱，遍滿一方成就遊，如是二三四方、四維上下，普周一切，心與慈俱，無結無怨，無恚無諍，極廣甚大，無量善修，遍滿一切世間成就遊。」

條目：

分別四諦

內容：

『苦聖諦，調生苦……五盛陰苦。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 467, b24-c1)：

【按：亦參 M. 141. Saccavibhaṅgasutta.】

於是，尊者舍梨子告諸比丘：「諸賢！世尊為我等出世，調為他廣教、廣示此四聖諦，分別、發露、開仰、施設、顯現、趣向。云何為四？調苦聖諦，苦習、苦滅、苦滅道聖諦。諸賢！云何苦聖諦？調生苦、老苦、病苦、死苦、怨憎會苦、愛別離苦、所求不得苦、略五盛陰苦。」

條目：

苦

生苦

內容：

『生（如中七·1）苦者，謂眾生時，身受苦，受遍受，覺遍覺。心受苦，受遍受、覺遍覺。身心受苦，受遍受，覺遍覺。身熱，……心熱，……身心熱。……身壯熱煩惱憂感，……心……，身心壯熱煩惱憂感，受遍受，覺遍覺。生苦者，因此故說。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 467, c1-11)：

【按：亦參 M. 141. Saccavibhaṅgasutta.】

諸賢！說生苦者，此說何因？諸賢！生者，謂彼眾生、彼彼眾生種類，生則生，出則出，成則成，興起五陰，已得命根，是名為生。諸賢！生苦者，謂眾生時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺，身熱受、遍受、覺、遍覺，心熱受、遍受、覺、遍覺，身心熱受、遍受、覺、遍覺，身壯熱煩惱憂感受、遍受、覺、遍覺，心壯熱煩惱憂感受、遍受、覺、遍覺，身心壯熱煩惱憂感受、遍受、覺、遍覺。諸賢！說生苦者，因此故說。」

條目：

老苦

內容：

老（如中七·1）苦者……

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 467, c11-21)：

【按：亦參 M. 141. Saccavibhaṅgasutta.】

諸賢！說老苦者，此說何因？諸賢！老者，謂彼眾生、彼彼眾生種類，彼為老耄，頭白齒落，盛壯日衰，身曲脚戾，體重氣上，拄杖而行，肌縮皮緩，皺如麻子，諸根毀熟，顏色醜惡，是名為老。諸賢！老苦者，謂眾生老時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺，身熱受、遍受、覺、遍覺，心熱受、遍受、覺、遍覺，身心熱受、遍受、覺、遍覺，身壯熱煩惱憂感受、遍受、覺、遍覺，心壯熱煩惱憂感受、遍受、覺、遍覺，身心壯熱煩惱憂感受、遍受、覺、遍覺。諸賢！說老苦者，因此故說。

條目：

病苦

內容：

『病者，謂頭痛、眼痛、……種種病，從更樂觸生，不離心，立在身中，是名為病。病苦者，……』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 467, c21-p. 468, a4)：

【按：亦參 M. 141. Saccavibhaṅgasutta.】

諸賢！說病苦者，此說何因？諸賢！病者，謂頭痛、眼痛、耳痛、鼻痛、面痛、脣痛、齒痛、舌痛、齦痛、咽痛、風喘、咳嗽、喝吐、喉痺、癰瘤、癰癭、經溢、赤膽、壯熱、枯槁、痔[病-丙+匿]、下利，若有如是比餘種種病，從更樂觸生，不離心，立在身中，是名為病。諸賢！病苦者，謂眾生病時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺，身熱受、遍受、覺、遍覺，心熱受、遍受、覺、遍覺，身心熱受、遍受、覺、遍覺，身壯熱煩惱憂感受、遍受、覺、遍覺，心壯熱煩惱憂感受、遍受、覺、遍覺，身心壯熱煩惱憂感受、遍受、覺、遍覺。諸賢！說病苦者，因此故說。

條目：

死苦

內容：

死（如中七·1）苦者……

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, a4-13)：

【按：亦參 M. 141. Saccavibhaṅgasutta.】

諸賢！說死苦者，此說何因？諸賢！死者，謂彼眾生、彼彼眾生種類，命終無常，死喪散滅，壽盡破壞，命根閉塞，是名為死。諸賢！死苦者，謂眾生死時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺，身熱受、遍受、覺、遍覺，心熱受、遍受、覺、遍覺，身心熱受、遍受、覺、遍覺，身壯熱煩惱憂感受、遍受、覺、遍覺，心壯熱煩惱憂感受、遍受、覺、遍覺，身心壯熱煩惱憂感受、遍受、覺、遍覺。諸賢！說死苦者，因此故說。

條目：

怨憎會苦

內容：

『怨憎會者，謂眾生實有內六處，不愛……，彼同會一，有攝、和、集，共合為苦。如是外處，更樂、覺、想、思、愛、亦復如是。眾生實有六界，不愛……，彼同會一……。怨憎會苦者……』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, a14-23)：

【按：亦參 M. 141. Saccavibhaṅgasutta.】

諸賢！說怨憎會苦者，此說何因？諸賢！**怨憎會者，謂眾生實有內六處，不愛眼處，耳、鼻、舌、身、意處，彼同會一，有攝、和、習，共合為苦，如是外處，更樂、覺、想、思、愛、亦復如是。**諸賢！**眾生實有六界，不愛地界，水、火、風、空、識界，彼同會一，有攝、和、習，共合為苦，是名怨憎會。**諸賢！**怨憎會苦者，謂眾生怨憎會時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺。**諸賢！說怨憎會苦者，因此故說。

條目：

愛別離苦

內容：

『愛別離者，謂眾生實有內六處，愛……，彼異分散，不得相應，別離不會，不攝、不集、不和合為苦，如是外處，……眾生實有六界，……愛別離苦者，……。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, a23-b4)：

【按：亦參 M. 141. Saccavibhaṅgasutta.】

諸賢！說愛別離苦者，此說何因？諸賢！**愛別離苦者，謂眾生實有內六處，愛眼處，耳、鼻、舌、身、意處，彼異分散，不得相應，別離不會，不攝、不習、不和合為苦，如是外處，更樂、覺、想、思、愛，亦復如是。**諸賢！**眾生實有六界，愛地界，水、火、風、空、識界，彼異分散，不得相應，別離不會，不攝、不習、不和合為苦，是名愛別離。**諸賢！**愛別離苦者，謂眾生別離時，身受苦受、遍受、覺、遍覺，心受苦受、遍受、覺、遍覺，身心受苦受、遍受、覺、遍覺。**諸賢！說愛別離苦者，因此故說。

條目：

求不得苦

內容：

『求不得者，眾生生法，不離生法，欲得令我而不生者，此實不可以欲而得。老法、死法、愁憂戚法，……。眾生實生苦，……欲得轉是令可愛念，此亦不可以欲而得。眾生實生樂……，欲得令是常恒久住不變易法，此亦不可以欲而得。（受如是）……思、想（例）』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, b4-21)：

【按：亦參 M. 141. Saccavibhaṅgasutta.】

諸賢！說所求不得苦者，此說何因？諸賢！謂眾生生法，不離生法，欲得令我而不生者，此實不可以欲而得，老法、死法、愁憂戚法，不離憂戚法，欲得令我不憂戚者，此亦不可以欲而得。諸賢！眾生實生苦而不可樂、不可愛念，彼作是念：『若我生苦而不可樂、不可愛念者，欲得轉是，令可愛念。』此亦不可以欲而得。諸賢！眾生實生樂而可愛念，彼作是念：『若我生樂可愛念者，欲得令是常恒久住不變易法。』此亦不可以欲而得。諸賢！眾生實生思想而不可樂、不可愛念，彼作是念：『若我生思想而不可樂、不可愛念者，欲得轉是，令可愛念。』此亦不可以欲而得。諸賢！眾生實生思想而可愛念，彼作是念：『若我生思想可愛念者，欲得令是常恒久住不變易法。』此亦不可以欲而得。諸賢！說所求不得苦者，因此故說。

條目：

五陰盛苦

內容：

『色盛陰，覺、想、行、識盛陰。』

出處：

※參見《分別聖諦經》《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, b21-23)：

【按：亦參 M. 141. Saccavibhaṅgasutta.】

諸賢！說略五盛陰苦者，此說何因？謂色盛陰，覺、想、行、識盛陰。諸賢！說略五盛陰苦者，因此故說。

條目：

聖諦

內容：

『過去時是苦聖諦，未來、現在時是苦聖諦。真諦不虛，不離於如，亦非顛倒，真諦審實。合如是諦，聖所有，聖所知，聖所見，聖所了，聖所得，聖所等正覺。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, b23-27)：

【按：亦參 M. 141. Saccavibhaṅgasutta.】

諸賢！過去時是苦聖諦，未來、現在時是苦聖諦，真諦不虛，不離於如，亦非顛倒，真諦審實，合如是諦，聖所有，聖所知，聖所見，聖所了，聖所得，聖所等正覺，是故說苦聖諦。

條目：

苦集聖諦

內容：

『眾生實有，愛內六處，於中若有愛、有膩、有染、有著者，是名為集。……若有愛妻、子、奴婢、給使、眷屬、田地、屋宅、店肆、出息財物，為所作業，有愛、有膩、有染、有著者，是名為集。……外六處……六界……過去時，是愛集，苦集聖諦……』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, b27-c19)：

【按：亦參 M. 141. Saccavibhaṅgasutta.】

諸賢！云何愛習苦習聖諦？謂眾生實有愛內六處，眼處，耳、鼻、舌、身、意處，於中若有愛、有膩、有染、有著者，是名為習。諸賢！多聞聖弟子知我如是知此法，如是見，如是了，如是視，如是覺，是謂愛習苦習聖諦，如是知之。云何知耶？若有愛妻、子、奴婢、給使、眷屬、田地、屋宅、店肆、出息財物，為所作業，有愛、有膩、有染、有著者，是名為習；彼知此愛習，苦習聖諦，如是外處，更樂、覺、想、思、愛，亦復如是。諸賢！眾生實有愛六界，地界，水、火、風、空、識界，於中若有愛、有膩、有染、有著者，是名為習。諸賢！多聞聖弟子知我如是知此法，如是見，如是了，如是視，如是覺，是謂愛習苦習聖諦，如是知之。云何知耶？若有愛妻、子、奴婢、給使、眷屬、田地、屋宅、店肆、出息財物，為所作業，有愛、有膩、有染、有著者，是名為習，彼知是愛習苦習聖諦。諸賢！過去時是愛習苦習聖諦，未來、現在時是愛習苦習聖諦，真諦不虛，不離於如，亦非顛倒，真諦審實，合

如是諦，聖所有，聖所知，聖所見，聖所了，聖所得，聖所等正覺，是故說愛習苦習聖諦。

條目：

苦滅聖諦

內容：

『眾生實有，愛內六處，彼若解脫，不染不著、斷捨吐盡、無欲、滅、止沒者，是名苦滅。……（餘可知）』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 468, c19-p. 469, a13)：

【按：亦參 M. 141. Saccavibhaṅgasutta.】

諸賢！云何愛滅苦滅聖諦？謂眾生實有愛內六處，眼處、耳、鼻、舌、身、意處，彼若解脫，不染不著、斷捨吐盡、無欲、滅、止沒者，是名苦滅。諸賢！多聞聖弟子知我如是知此法，如是見，如是了，如是視，如是覺，是謂愛滅苦滅聖諦，如是知之。云何知耶？若有不愛妻、子、奴婢、給使、眷屬、田地、屋宅、店肆、出息財物，不為所作業，彼若解脫，不染不著、斷捨吐盡、無欲、滅、止沒者，是名苦滅，彼知是愛滅苦滅聖諦，如是外處，更樂、覺、想、思、愛亦復如是。諸賢！眾生實有愛六界，地界，水、火、風、空、識界，彼若解脫，不染不著、斷捨吐盡、無欲、滅、止沒者，是名苦滅。諸賢！多聞聖弟子知我如是知此法，如是見，如是了，如是視，如是覺，是謂愛滅苦滅聖諦，如是知之。云何知耶？若有不愛妻、子、奴婢、給使、眷屬、田地、屋宅、店肆、出息財物，不為所作業，彼若解脫，不染不著，斷捨吐盡、無欲、滅、止沒者，是名苦滅，彼知是愛滅苦滅聖諦。諸賢！過去時是愛滅苦滅聖諦，未來、現在時是愛滅苦滅聖諦，真諦不虛，不離於如，亦非顛倒，真諦審實，合如是諦，聖所有，聖所知，聖所見，聖所了，聖所得，聖所等正覺，是故說愛滅苦滅聖諦。

條目：

苦滅道聖諦

內容：

『苦滅道聖諦，謂正見、……正定。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 469, a13-19)：

【按：亦參 M. 141. Saccavibhaṅgasutta.】

諸賢！云何苦滅道聖諦？謂正見、正志、正語、正業、正命、正方便、正念、正定。
諸賢！云何正見？謂聖弟子念苦是苦時，習是習、滅是滅，念道是道時，或觀本所作，或學念諸行，或見諸行災患，或見涅槃止息，或無著念觀善心解脫時，於中擇、遍擇、次擇，擇法、視、遍視，觀察明達，是名正見。

條目：

正見

內容：

『聖弟子念苦是苦時，集是集，滅是滅，道是道時，或觀本所作，或學念諸行，或見諸行災患，或見涅槃【接下頁】止息，或無著念觀善心解脫時，於中擇、遍擇、抉擇，擇法、視、遍視，觀察明達，是名正見。』

出處：

※參見《中阿含經》卷 7〈舍梨子相應品 3〉（三一）《分別聖諦經》(CBETA, T01, no. 26, p. 469, a13-19)：

【按：亦參 M. 141. Saccavibhaṅgasutta.】

諸賢！云何苦滅道聖諦？謂正見、正志、正語、正業、正命、正方便、正念、正定。
諸賢！云何正見？謂聖弟子念苦是苦時，習是習、滅是滅，念道是道時，或觀本所作，或學念諸行，或見諸行災患，或見涅槃止息，或無著念觀善心解脫時，於中擇、遍擇、次擇，擇法、視、遍視，觀察明達，是名正見。